

برنجی سنه * نومرو ۱۵ - ۲ رمضان ۱۳۳۰

پنجشنبه

۲ اغستوس سنه ۱۳۲۸ - ۱۵ اغستوس افرنجی سنه ۱۹۱۲

سر محرر : شهیندر زاده فلبلی

امیر ملحمی

محل اداره سی :

جفال اوغلنده « حکمت » اداره خانه سیدر .

حقه مقرون، اغراضدن سالم افکار ومقالاته صحیفه لر مز آچیقدر .

«HIKMET»

Journal turc, quotidien et politique

DIRECTEUR-PROPRIETAIRE :

A. HILMY CHEHBENDER



اداره مدیری : فلبلی

محمد زلفی

اشترا بدلی :

برسنه لکی ۹۵ ، آلتی آیلنی ۵۴ غروشدر .

پوسته اتحادینه داخل ممالک اجنبیه ایچون قرق فرانقدر .

ABONNEMENT

un an : 95 piastres و six mois 54 p.

Union postale : un an, 40, six moi, 25 Fr.

Rédaction : Constantinople, Djagal oglou

نسخه سی : ۱۰ پاره در

حقیقته خادم یومی غزته در

نسخه سی : ۱۰ پاره در

عبارتند. بونده ایسه، وطن و ملت ایچون هیچ بر فائده متصور اولمادیغدن و پروغرام ایسه صرف میت حکمنده بولوندیغدن آرتق جمعیتک دوام و بقاسنه نبرسبب مشروطی ونده بر معقول بهانه قالمادی.

ایشته مکتوبلرده ساحه محاکمه قونیلان فکیرلر بونلردر. شایان دقتدرکه بوفکیرلر، هپ ارکان معلومه نك سبق ایدن حرکات غریبه سی نتیجه سنده پیدا اولمشدر. آرتق صانیوزکه بوجریان، حال طبیعی سی تعقیب ایدوب کیده جکدر. یالکر فرقه قورتارمق ایچون سریع بر تکامل واصفا لازمدر.

مقباد

جمعیتک بیاننامه سی

(دهبا) یازیور:

اتحاد و ترقی مرکز عمومی سی بر بیاننامه تنظیم ایتشدرد. بویاننامه بحران اخیر حقدده اعطای تفصیلات ایدرک زون تورکاره ساکنانه و مشروع بر مبارزه مخالفده بولمق توصیه ایدیور. صاحب نفوذ اتحادجیلر شادسیاسیه به رغماً انتخابانه اشتراك ایده جککری، مع مافیه بعض خصوصاته احتیاط ایلده جککری بیان ایدیورلر.

مصالحه حقدده مذاکرات دوله

ترکیا - ایتالیا بیننده بر آن اول مصالحه نك تأسیسی ایچون دولترجه واقع اولاجق تشبثات حقدده دول معظمه مداوله افکار ایلده مکده در. دولتر، تشبیرلرک عقیم قالماسنی تأمین ایچون ایلک اول طرفین محاربتک صولق نقطه نظرلری آکلامه، چایشه جقلدر.

قارشی غزتلردن

جعفر طیار بک صربستانده

دهبا غزنه سته بلغراددن تلفرافله بیلدریلور: جمعیتک صاحب نفوذ اعضا سندن ایلک متصرف سابق جعفر طیار بک، آرنادو نامونلرینک غلبا سندن قورتولمق مقصدیله صربستانه التجا ایتشدرد.

صربستان مستقل رادیقال فرقه سی رؤسا سندن پرودانوچ، احوال خارجییه سیاسی نك (تورکیه کنایه) کسب ایتدیکی وخامته مبنی بتون فرق سیاسی بی اتحاد و براتحاد قاینه سی تشکیل ایتکه دعوت ایدیور.

مطبوعات محلیه

سکونت

عثمانیه رولود رفیق مژدن:

شوصولق هفته ظرفده وقوعی موضوع بحث اولان وقایعدن هیچ بری جریان ایتده مشدر. بوحال، احوال سابقه نك یکیدن استقراری دیمکدر. بوکون، اهالینک قسم اعظمی اتحاد جیلرک وضعیت مستقبه سندن خبردار دکدر. فقط بزم استخباراتزه کوره جمعیت قریباً بر بیاننامه نشر ایدرک انتخاباته اشتراك ایتک قرارینی بیان ایده جکدر.

بوحوادث تأید ایتدیکی تقدیرده جمعیتک ایجابات مشروعه ره رعایتکار اولمق آرزوسی بالفعل تظاهر ایده جکدر.

جمعیتک بوحرکته کی مقصدینی بیله میز. فقط احتمال که، رؤسای اتحادیون اعتدال دم ایلده وقایه محاکمه ایدرک، مجلس مبعوثانک فسخ

اولمادیقی تقدیرده مملکتک حفره اضمحاله طوغری یورویه جککی تقدیر ایتشدرد. غازی مختار پاشا کی بر ماضی مشعشه مالک اولان یزدات، مشروطیته ضربه اورمق تصورنده یولونه میه جققی اتحادجیلر تقدیر ایتشدرد. واتحادجیلرک انتخاباته اشتراك ایتکه قرارورمه لری منطق بر حرکت اولوب، بحرانک زائل اولسنه دلالت ایدر.

موسیو (پوانقاره) روسیه ده

(نوبه فرایه برهه) غزنه سی روس باش وکیل، پوانقاره نك روسیه ده بولندینی مدتیجه بوغازلردن بحث اولدینی سولیه دکدن صکره بروجه آتی مطالعات یوروتیور:

موسقوه غزتلردن رینه کوره فرانسه روسیه آره سنده عقد اولنان اتفاق نتیجه سنده روسیه حرب سفینه لرینک قره دکزدن سربستی آمد و شدی قابل اوله بیله جکدر. بوغازلر مسئله سی شرق مسئله سی دیمکدر. روسیه حکومتک اداره سی آلتنده صربستان، بلغارستان و قرقطاغ حکومتلرینک ده براتفاق عقد ایتدیکی مروی در، بر طرفین روسیه نك بحراً سربستی آمدوشدی، دیگر طرفدن ایسه بالقان دولترینک مقاصد تجاوز کارانه سی تورکیه ایچون مشکل بر حال تولید ایده جککدر.

بلغارستان، یونانستان و صربستان

ویانه دن تاخیدر موس غزنه سته خصوصی بر تلغرافنامه ایلده بیلدریلرکینه کوره، پشتلرولید غزنه سی موسیو پاسیچک بر یونان - بلغار ائتلاف اقتصادیسنی وجوده کتیرمکه موفق اولدینی یازیور. صربستان، بلغارستانه قارشی ماکدونیا ده کی آماندن فراغت ایلش ایش. عینی شهردن کان دیگر معلومه کوره، روسیه چارینک دلالتی اوزرینه، بلغارستان، صربستان، یونانستان و قرقطاغ بیننده تحریری مقاوله تنظیم ایدلمشدر. بلغارستان ایلده صربستان بیننده ایسه دیگر برمه اهدنک تنظیم ایدلرکی محقددر دنیلیور. توبه فرایه برهه غزنه سی بومعه اهداته قارشی اظهار تردد ایتکه برابر تهدید آمیز بر طور ایله بیان مطالعات ایدیور.

قرق بک عدد بومبا

صربیه (واردار) یازیور

روایت اولسیدیفته نظر آرتق کون اول بلغار قومیه لری طرفدن کوستندیل دن ترکیه یه ادخال اولمق ایستیلن ۴۵ بومبا حکومتجه مصادره اولمشدر.

خارجی خبر

فرانسه باش وکیلنک سیاحتی

اطرافنده

پاریس ۱۳ تموز - «مان» غزنه سنک پترسبورغ مخبری موسیو پوانقاره نك سیاحتیه بولتیقه نقطه نظرلردن ختام بولش نظریه باقیور. روسیه حکومتی فرانسه منافعی مدافعه دن فارغ اولمقدجه فرانسه ده دائماً روس منافعی حمایه ایدده جککدر.

روسیه حکومتی امکان مساعد اولدینی قدر قوای بحریه و بریه سی تزیده جالیشه جق و بو اصلاحات طبیعی حکومتین آره سنده کی

روابطی برقات دهبا تقویه ایده جکدر.

روسیه حکومتی آناتولی دیمبر یونانک قافقاسیه حدودینه تقرینه مانع اولمق ایچون بعض تشبثاتده بولمق فکرنددر. فی الحقیقه بو خطک قافقاسیه حدودینه تقرینی ترکیه نك قافقاسیه حدودنده واقع اوله جق تشبیداتی تسهیل ایده جکندن روسیه حکومتک بویاده صولک درجه صرف غیرت ایده جکی طبیعی در. فرانسه و روسیه حکومتلری آره سنده شیمیدیلک بر وفاق تام جاریدر.

پاریس ۱۴ تموز - «نقودوپاری» غزنه سنک پترسبورغدن واقع اولان استخباراته نظر آغراندن دوق نیقولا بیسولک مانوره لده حاضر بولمق اوزره کله جک آتی ایچنده پاریس کله جکدر. فرانسه و روسیه خارجییه ناظرلری موسیو پوانقاره و موسیو سزانوف آره سنده جریان ایدن مذاکرانه چین مسئله سی، آناتولی خطی، ایتالیا ترکیه محاربه سی، بحر سفید اطه لری مسائلی موضوع بحث ایدلمشدر. موسیو پوانقاره نتیجه مذاکرادن بک نمون کورونمکده در.

«مان» غزنه سی بالجله مسائله فرانسه و روسیه حکومتلرینک متفق الافکار بولندقلری بیان ایدیور.

پترسبورغ ۱۳ تموز - کله جک جمعه موسیو پوانقاره ایلده روس رجال سیاسی آره سنده جریان ایدن مذاکرانه متعلق بر بیاننامه نشر اولنه جقدرد.

موسیو سزانوف ایلده موسیو پوانقاره آره سنده وقوعه کان مکالماتده بالخاصه ترکیا و ایتالیا آره سنده اعاده صلح چاره لری موضوع بحث ایدلمشدر.

موسیو پوانقاره بوکون «رلینه ناغبلات» غزنه سی مدیری موسیو تئودوروولف ایلده ملاقات ایتشدرد.

پوپولو رومانو غزنه سی

روما ۱۳ تموز - «پوپولو رومانو» غزنه سی موسیو پوانقاره نك روماده کوردیکی حسن قبولدن بحث ایدرک دییورکه: آوروپا مسائلی وطرابلس محاربه سی حقدده پترسبورغده جریان ایدن مذاکرات و مطالعات نه ماهیتی حائر بولنورسه بولنسون ایتالیا چیزدیکی خط حرکتده ثبات و مناتله دوام ایده جکدر.

تورکیا ایلده اولان محاربه نك دول معظمه ایلده اولان مناسباتی اخلال ایتمه سندن طولایی بک مختیارز.

پترسبورغ ۱۳ تموز - «قراسویه سلوه» ده اجرا ایدیلن رسم کچیدن صکره چارنیقولا موسیو پوانقاره یی چادرنده طعامه دعوت ایتشدرد. رسم کچیدن اول موسیو پوانقاره و موسیو سزانوف آره سنده اوزون بر ملاقات جریان ایتشدرد. مکالمه نك آناتولی خطی مسائله متعلق بولندینی تأمین اولتیور. «رهج» غزنه سی شیمیدی فرانسه باش وکیل ایلده روس رجال سیاسی آره سنده برقوقفرانس پروغرامی احضار ایدلرکی بیان ایدیور.

ویانه ده زلزله

ویانه ده شدتلی حرکت ارض وقوع بولدینی واهالینک خوف و خلعان ایچنده اولدینی ویانه دن قارشی غزتلره بیلدریلور.

مقاله

طلبه حیاتندن

معارف ناظر محترمک نظر حیتلرینه - آتی عثمانینک مقدرات مجهولسی، یارین، اللرینه تودیع ایدیله جک اولان کنجک، عثمانی طلبه سنک حیات حاضر تحصیلی کوزتمک، اولنره، اومنور قافله شباه هر خصوصه ارا نه تسهیلات و ابراز معاونت ایتک بوکون حکومتک، بالخاصه معارف نظارتک اک بویوک، اک جدی بروطفه مهمه سیدر.

دونکی محترم «حکمت» ک بویوک لزومی بحث اوزرینه بیان مطالعه حصر اعتنا ایتسی حقیقه غایت بویوک بر خدمت وطن پرورانه تلقی ایدلک لازمدر.

چونکه بوکون کنجککینه اهل ایدیله جک ولایق اولدینی اهمیت عظیمه ایله نظر ملاحظه ودقه آلمیه جق اولورسه آتی مسعود غیل ایچین بسله ن طاتی املارک حفره دیچور افوله قاریشمی طبیعات اموردندر.

اوروپایک بر جوق لرلنده طلبه نك اقامت لرینه مخصوص، طرز معیشتلرینک تأمین سهولته مدار غایت عظیم بنالر، پانسیونلر موجود. بوکون عثمانی دارالفنون صنفلرینک فیضدار رحله لرده بولان یوزلرجه طشرلی طلبه، مرادت آلود بر سفالت ایچنده اصرار حیات ایلده مکده درلر.

طلبه نك مشترک بر محله، بویوک و منتظم بر دائره ده اقامتی هر نقطه نظر دن موجب فائده و منفعت بر لازمه اجتماعیه در. اول، طلبه نك مشاق سفالتدن، قورتلیمسه، مرادت غربتی حس ایتمه سینه واسع بر مقدارده خادمه ک برشا کرد، غائله معیشتدن آزاده بولوندینی نسبتده دهبا کوزهل و منتظم، دهبا فریخ و بی اندیشه، کشایش ذهن ایلده چایشیر. صوکره، عموم دارالفنون و سایر مکاتب طلبه سنک عمومی بر جمعه بولونمسی اجتماعی بر فائده عظیمه می ده تولید ایدر.

طلبه نك بر پانسیونده اقامتی هر حاله یکدیگرکله آکلاشمقه، فکر و مطالعه لرینی بر بریله تعاطی و مداوله یه، حسیات قلبیه لرینک مشترک بر ساحه ده انکشافه، بناء علیه عثمانیلق حسنک، مخالف عنصرلره عائد طلبه آره سنده غایت صمیمی بر صورتده تجلیسه خادم و نافعدرد. طلبه نك بویله عمومی بر دائره ده، یکدیگر لرینه منتظماً درس تقریر ایدرک، تبیع ایچین بک لزومی اولان متنوع کتابلری مبادله ایلرک، چین حاجتده بر برینه هر خصوصه معاونتده بولتهرق مشترک بر حیات تحصیل کچیرلری عثمانی غائله اجتماعیه سی آره سنده فکر اخوتک، صمیمی قارداشلق انکشاف و تقرینه ده خدمت ایدرکه اتحاد عناصر ایچین بوندن مهم بر فائده تصور ایدیله من. خلاصه، هر هانکی بر نقطه دن نظر اعتباره آلتدینی تقدیرده عثمانی طلبه سنک مشترک بر محله، جسم پانسیونده صمیمانه بر حیات رفاقت کچیرملری هر خصوصه تولید فائده دن غیر خالی و فوق العاده الزم بولوندینی کوچوک بر ملاحظه ایله ادرک ایدیلر. بناء علیه، معارف ناظر محترمک بو خصوصه تشبثات فعلیه جدیه به باشلامسی حیات تحصیلک انکشافی خصوصه بک بویوک بر اهمیتله نظر دقت و اعتنا به آلتسی ایجاب ایدن بروطفه مهمه اجتماعیه در.

احمد جودت